

Buletin IQRA'

2026

Bil. 1/2026 - Januari • eISSN: 2735-1920

Kunjungan Hormat Ketua Pustakawan UiTM ke Seri Negeri Melaka



Ketua Pustakawan Universiti Teknologi MARA, Tuan Ts. Haji Azizi bin Haji Jantan, telah mengadakan kunjungan hormat ke atas TYT Tun Seri Setia Dr. Haji Mohd Ali Mohd Rustam, Yang di-Pertua Negeri Melaka, pada 7 Januari 2026 (Rabu) bertempat di Seri Negeri Melaka.

Kunjungan ini bertujuan memperkukuh kerjasama strategik serta memperkasa pembangunan dan pengurusan perpustakaan serta pusat sumber sebagai pemangkin budaya ilmu, pemeliharaan warisan dan transformasi pengetahuan di peringkat negeri serta institusi pendidikan.

Dalam pertemuan tersebut, Perpustakaan UiTM turut menyatakan kesediaan untuk membantu dari segi pendigitalan khazanah ilmu dan warisan, selain meneroka kolaborasi strategik bersama Dunia Melayu Dunia Islam (DMDI) bagi memperluas akses, pemeliharaan kandungan intelektual serta pengembangan jaringan ilmu di peringkat nasional dan antarabangsa.

Turut hadir Rektor UiTM Cawangan Melaka, YBhg. Profesor Datuk Ts. Dr. Haji Mohd Rasdi bin Haji Zaini, bersama Encik Norhazlan Nordin, Ketua Perpustakaan UiTM Cawangan Melaka.

Pertemuan

ini mencerminkan komitmen berterusan UiTM dalam menyokong agenda literasi, pemerkasaan ilmu dan pengukuhan ekosistem perpustakaan yang inklusif, berdaya saing dan mampan.

PTAR UiTM Tinjau Koleksi Buku Berpotensi Sumbangan Bersama Nusantara Technologies Sdn. Bhd.



Perpustakaan Tun Abdul Razak (PTAR), Universiti Teknologi MARA (UiTM) telah mengadakan sesi lawatan dan penilaian koleksi buku bersama YBhg. Dato' Ghazali Dato' Yusoff, Pengerusi Eksekutif Nusantara Technologies Sdn. Bhd., pada 8 Januari 2026.

Sesi ini bertujuan meneliti koleksi buku yang dicadangkan untuk disumbangkan kepada Perpustakaan UiTM, sejajar dengan usaha memperkaya sumber rujukan akademik dan memperkukuh ekosistem ilmu universiti.

Turut hadir ialah Puan Nurul Fariah Sarmin Panut dan Encik Abdul Razak Abdul Rahman, yang bersama-sama terlibat dalam sesi penilaian serta perbincangan profesional berkaitan pembangunan koleksi perpustakaan.

PTAR UiTM merakamkan penghargaan atas kesudian pihak industri berkongsi potensi sumbangan ilmu demi manfaat warga universiti dan masyarakat.



@libraryuitm



@libraryuitm



@perpustakaanuitm



@uitmlibrary



@perpustakaanuitm

Hubungi kami:

03 5521 1704

korporatptar@uitm.edu.my

*Unit Korporat dan Kolaborasi,
Perpustakaan Tun Abdul Razak,
Universiti Teknologi MARA,
40450, Shah Alam*